

- radnik sa dva člana porodice -13 bodova
- radnik sa jednim članom porodice -10 bodova
- radnik samac - 5 bodova

ZDRAVSTVENO STANJE

- vojni invalidi - prema procentu invalidnosti - bodova
- invalidi rada - 10 bodova
- radnik sa težim oboljenjem utvrđenim općim aktom - 5 bodova

**Ministarstvo za obrazovanje, nauku i mlade
Kantona Sarajevo**

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 61. stav (4) Zakona o srednjem obrazovanju ("Službene novine Kantona Sarajevo", br. 23/17 i 30/19), ministrica za obrazovanje, nauku i mlade Kantona Sarajevo donosi

PRAVILNIK**O ORGANIZOVANJU I IZVOĐENJU PRAKTIČNE
NASTAVE I LABORATORIJSKOG RADA U SREDNJIM
ŠKOLAMA U KANTONU SARAJEVO****I. OPŠTE ODREDBE****Član 1.
(Predmet)**

Ovim pravilnikom se uređuju način organizovanja i izvođenja praktične nastave/laboratorijskog rada u srednjim školama Kantona Sarajevo (u daljem tekstu: srednje škole) i/ili kod poslovnih subjekata, te utvrđuju ciljevi, institucije i oblici izvođenja nastave, uloga i obaveze srednje škole, poslovnog subjekta, osnovna pitanja izvođenja nastavnih planova i programa, ovlaštenja i obaveze uključenih aktera u organizovanje i izvođenje praktične nastave/laboratorijskog rada.

**Član 2.
(Značenje pojmova)**

U smislu ovog pravilnika utvrđuju se osnovni pojmovi:

- a) **nastavnik** praktične nastave/laboratorijskog rada je lice koje je u radnom odnosu u školi i koje ima stručnu spremu propisanu nastavnim planom i programom predviđenim za određeno zanimanje;
- b) **koordinator** je lice koje je u radnom odnosu u školi, a koje koordinira praktičnu nastavu/laboratorijski rad koji se izvodi kod poslovnih subjekata;
- c) **poslovni subjekat** je privredni subjekt, javna ustanova ili lice koje samostalno obavlja djelatnost i koje ispunjava propisane uvjete za izvođenje praktične nastave/laboratorijskog rada;
- d) **mentor** je lice koje je zaposleno kod poslovnog subjekta, lice koje samostalno obavlja djelatnost ili nastavnik praktične nastave i laboratorijskog rada koji je zaposlen u školi (uz saglasnost poslovnog subjekta) i koje je odgovorno za organizaciju, vođenje i praćenje praktične nastave/laboratorijskog rada koja se izvodi kod poslovnog subjekta;
- e) **praktična nastava/laboratorijski rad** je oblik nastave koji se izvodi u skladu sa nastavnim planovima i programima u školskim radionicama, laboratorijama i kabinetima te drugim objektima i prostorima za nastavu, opremljenim u skladu sa odgovarajućim normativima i/ili kod poslovnih

subjekata koji imaju odgovarajuću savremenu opremu, tehničko-tehnološka sredstva i druge odgovarajuće uvjete, u skladu s nastavnim planom i programom i planom izvođenja praktične nastave/laboratorijskog rada u cilju usvajanja stručnih kompetencija neophodnih za sticanje III ili IV stepena stručne spreme propisanih standardom zanimanja;

- f) **Ugovor o izvođenju praktične nastave/laboratorijskog rada između škole, učenika (ili zakonskog zastupnika) i poslovnog subjekta** je ugovor zaključen u pisanom obliku, kojim se uređuju međusobni odnosi, prava i obaveze srednje škole, učenika (zakonskog zastupnika) i poslovnog subjekta u vezi sa organizacijom i izvođenjem praktične nastave/laboratorijskog rada učenika kod poslovnog subjekta;
- g) **srednja škola** je škola koja je upisana u Registar srednjih škola koji vodi Ministarstvo za obrazovanje, nauku i mlade Kantona Sarajevo (u daljem tekstu: Ministarstvo) i u kojoj se školuju učenici za zanimanja koja prema nastavnim planovima i programima imaju predviđenu praktičnu nastavu/laboratorijski rad;
- h) **Ministarstvo za obrazovanje nauku i mlade Kantona Sarajevo** je kantonalno ministarstvo koje je nadležno za ispravnost rada srednjih škola pa u skladu sa tim i izvođenje praktične nastave/laboratorijskog rada.

**Član 3.
(Osnovni cilj)**

Osnovni cilj donošenja ovog pravilnika jeste regulisanje načina i postupka organizovanja i izvođenja praktične nastave/laboratorijskog rada u srednjim školama, te regulisanje organizovanja i izvođenja praktične nastave/laboratorijskog rada (ili njenog dijela) kod poslovnog subjekta.

Član 4.

(Oblici i izvođenje praktične nastave/laboratorijskog rada)

- (1) Praktična nastava je nastava koja se izvodi u školskim radionicama i drugim namjenskim prostorijama podrazumijeva realizaciju nastave od strane nastavnika praktične nastave prema utvrđenim nastavnim planovima i programima za određena zanimanja.
- (2) Praktična nastava je nastava koja se izvodi na terenu od strane nastavnika stručno-teorijske i/ili praktične nastave u skladu sa utvrđenim nastavnim planovima i programima za pojedina zanimanja.
- (3) Praktična nastava je nastava koja se izvodi u kabinetu/učionici od strane nastavnika stručno teorijske i/ili praktične nastave prema utvrđenim nastavnim planovima i programima za pojedina zanimanja, a podrazumijeva vođenje i izradu dnevnika rada i drugih sadržaja. Ovaj oblik praktične nastave može djelimično sadržavati i organizirane stručne posjete privrednim subjektima organizirane od strane škole.
- (4) Kombinirani oblik praktične nastave podrazumijeva realizaciju nastave iz st. (1), (2) i (3) ovog člana u skladu sa utvrđenim nastavnim planovima i programima.
- (5) Praktična nastava je nastava koja se realizira kod poslovnog subjekta za učenike III stepena obrazovanja u drugom i trećem razredu, prema utvrđenim nastavnim planovima i programima za određena zanimanja od strane dodijeljenog mentora u saradnji sa koordinatorom

- praktične nastave, kao i za učenike IV stepena obrazovanja u drugom, trećem i četvrtom razredu.
- (6) Laboratorijski rad se organizira u učionicama, laboratorijama, drugim školskim prostorima predviđenim za tu namjenu od strane nastavnika stručno-teorijske nastave, kao i u drugim namjenskim prostorima u ustanovama i institucijama sa kojima je škola zaključila ugovor o saradnji u cilju usvajanja stručnih kompetencija neophodnih za sticanje IV stepena stručne spremljenosti standardom zanimanja i standardom kvalifikacije. Srednja škola odlučuje o mjestu izvođenja praktične nastave/laboratorijskog rada u zavisnosti od opremljenosti škole i predznanju učenika.
- (7) Učenici sa teškoćama u razvoju koji pohađaju nastavu u Centrima praktičnu nastavu kod poslovnog subjekta mogu izvoditi u I, II i III razredu za zanimanja II i III stepena i I, II, III i IV razredu za zanimanja IV stepena.

Član 5.

(Praktična nastava učenika sa posebnim odgojno-obrazovnim potrebama)

Učenici sa teškoćama u razvoju pohađaju praktičnu nastavu/laboratorijski rad u školi i/ili kod poslovnog subjekta, u skladu sa odredbama ovog pravilnika.

II. IZVOĐENJE NASTAVNOG PLANA I PROGRAMA

Član 6.

(Nastavni plan i program)

- (1) Odgojno-obrazovni rad u školi se ostvaruje na osnovu nastavnog plana i programa koji sadrži opšteobrazovne, stručnoteoretske i praktične programske sadržaje, a u skladu sa Zakonom o srednjem obrazovanju Kantona Sarajevo ("Službene novine Kantona Sarajevo", br. 23/17 i 30/19, u daljem tekstu: Zakon) i Pedagoškim standardima i normativima za srednje obrazovanje ("Službene novine Kantona Sarajevo", br. 23/04 i 27/08).
- (2) Nastavnim planom i programom za odgovarajući obrazovni profil utvrđuju se svrha, ciljevi i zadaci programa, nastavni predmeti, sadržaj, trajanje i osnovni oblici izvođenja programa, godišnji i sedmični broj časova nastave, praktične nastave/laboratorijskog rada, broj časova za svaki predmet, didaktički i drugi uslovi za izvođenje programa, ishodi učenja, te profil i stručna sprema nastavnika za realizaciju plana i programa.
- (3) Nastavni plan i program može imati klasičnu, modularnu ili strukturu kreiranu prema ishodima učenja.

Član 7.

(Ostvarenje nastavnog plana i programa)

- (1) Općeobrazovni i stručno-teorijski programski sadržaj organizuje se u prostorijama škole uz što veću povezanost s praktičnim programskim sadržajem s ciljem što kvalitetnijeg usvajanja stručnih kompetencija.
- (2) Praktični programski sadržaj ostvaruje se u školskim radionicama, laboratorijima, kabinetima/učionicama i drugim objektima i prostorima za nastavu u skladu sa odgovarajućim normativima, te kod poslovnog subjekta koji ispunjava uslove.

III. OVLAŠTENJA I OBAVEZE AKTERA UKLJUČENIH U ORGANIZACIJU I IZVOĐENJE PRAKTIČNE NASTAVE/LABORATORIJSKOG RADA

Član 8.

(Ovlaštenja i obaveze Ministarstva)

U cilju organizacije, izvođenja i praćenja praktične nastave/laboratorijskog rada Ministarstvo ima sljedeća ovlaštenja i obaveze:

- a) koordinacija između škole, privredne komore i poslovnog subjekta,
- b) nadzor nad provođenjem Pravilnika,
- c) obezbjeđenje sredstava za obavljanje ljekarskog i sanitarnog pregleda za učenike ako je to predviđeno Ugovorom o izvođenju praktične nastave/laboratorijskog rada,
- d) osiguranje sredstava za unaprijeđenje praktične nastave/laboratorijskog rada u školama,
- e) odlučivanje o svim pitanjima koja nisu regulisana ovim pravilnikom ili drugim propisima, a tiču se organizacije i izvođenja praktične nastave/laboratorijskog rada u školi i/ili kod poslovnog subjekta.

Član 9.

(Ovlaštenja i obaveze Privredne komore)

Privredna komora Kantona Sarajevo (u daljem tekstu: Komora) pruža u što je moguće većoj mjeri podršku pri organizaciji, izvođenju i praćenju praktične nastave kod poslovnog subjekta i njenom unaprijeđenju, što se naročito ogleda u sljedećim ovlaštenjima Komore:

- a) poticanje i informisanje poslovnih subjekata o učešću u izvođenju organizacije praktične nastave/laboratorijskog rada,
- b) pružanje podrške i pomoći poslovnim subjektima u procesu izvođenja praktične nastave/laboratorijskog rada,
- c) sprovođenje ispitivanja i istraživanja o potrebama poslovnih subjekata, zahtjevima i mjerama poboljšanja praktične nastave/laboratorijskog rada,
- d) pružanje preporuka Ministarstvu o načinima unapređenja praktične nastave/laboratorijskog rada kod poslovnih subjekata,
- e) oglašavanje prijave potreba poslovnih subjekata i škola za izvođenjem praktične nastave/laboratorijskog rada,
- f) organizacija obuke mentora praktične nastave za predstavnike srednjih škola i zainteresovanih poslovnih subjekata, u skladu sa međunarodno prihvaćenim modelima,
- g) pružanje preporuka Ministarstvu i provođenje projekata tranzicije praktične obuke ka modelima dualnog obrazovanja.

Član 10.

(Ovlaštenja i obaveze poslovnog subjekta)

- (1) Poslovni subjekat ima sljedeća ovlaštenja i obaveze u organizovanju i izvođenju praktične nastave/laboratorijskog rada:
- a) organizovanje implementacije plana izvođenja praktične nastave/laboratorijskog rada i osiguranje uslova za ostvarenje ciljeva u zadanom roku,
- b) imenovanje mentora,
- c) stavljanje neophodnih sredstava za izvođenje praktične nastave/laboratorijskog rada učenicima na raspolaganje,
- d) obezbjeđenje neophodnih mjera zaštite na radu učenika u skladu sa važećim propisima iz oblasti zaštite na radu,
- e) učestvovanje u ocjenjivanju učenika u skladu sa Pravilnikom o praćenju, vrednovanju i ocjenjivanju učenika osnovnih i srednjih škola u Kantonu Sarajevo ("Službene novine Kantona Sarajevo", broj 24/18),

- f) saradnja sa koordinatorom i omogućavanje koordinatoru pristupa mjestu izvođenja nastave, kao i uvidu u propisanu dokumentaciju, na zahtjev škole,
 - g) vođenje pismene dokumentacije o izvođenju praktične nastave/laboratorijskog rada,
 - h) pružanje informacija o izvođenju praktične nastave/laboratorijskog rada na zahtjev Komore ili Ministarstva,
 - i) učestovanje u rješavanju konfliktnih situacija,
 - j) osiguranje povjerljivosti ličnih podataka učenika u skladu sa važećim propisima o zaštiti ličnih podataka,
 - k) dostavljanje Komori podataka o potrebi za izvođenjem praktične nastave/laboratorijskog rada u prostorijama poslovnog subjekta,
 - l) vođenje evidencije o učenicima koji kod poslovnog subjekta obavljaju praktičnu nastavu/laboratorijski rad.
- (2) Poslovni subjekat može zadužiti učenika samo na onim poslovima koji osiguravaju sticanje kompetencija za određeni obrazovni profil u skladu sa nastavnim planom i programom i planom izvođenja praktične nastave/laboratorijskog rada.

Član 11.

(Ovlaštenja i obaveze škole)

U cilju organizacije, izvođenja i praćenja praktične nastave/laboratorijskog rada, škola ima sljedeća ovlaštenja i obaveze:

- a) ostvarenje programskih sadržaja propisanih nastavnim planom i programom,
- b) imenovanje nastavnika koji će realizovati praktičnu nastavu/laboratorijski rad koji se izvodi u prostorijama škole,
- c) permanentno opremanje škole kako bi se održao kvalitet praktične nastave/laboratorijskog rada,
- d) imenovanje koordinatora u slučajevima kada se praktična nastava/laboratorijski rad izvodi kod poslovnog subjekta,
- e) osiguranje da je u korist učenika zaključen ugovor o osiguranju u slučaju nezgode tokom obavljanja praktične nastave/laboratorijskog rada,
- f) vođenje evidencije o zaključenim ugovorima o izvođenju nastave,
- g) saradnja sa poslovnim subjektom i informisanje o učenicima koji pohađaju praktičnu nastavu/laboratorijski rad kod poslovnog subjekta,
- h) ocjenjivanje učenika u skladu sa Zakonom i Pravilnikom o praćenju, vrednovanju i ocjenjivanju učenika osnovnih i srednjih škola u Kantonu Sarajevo ("Službene novine Kantona Sarajevo", broj 24/18),
- i) saradnja sa mentorom, obilazak mjesta izvođenja nastave kod poslovnog subjekta i vršenje uvida u propisanu dokumentaciju,
- j) pružanje informacija o organizaciji i izvođenju praktične nastave na zahtjev Komore ili Ministarstva,
- k) informisanje Komore o potrebi za izvođenjem praktične nastave kod poslovnih subjekata,
- l) učešće u rješavanju konfliktnih situacija,
- m) osiguranje povjerljivosti ličnih podataka učenika u skladu sa propisima o zaštiti ličnih podataka,
- n) obezbjeđenje sticanja odgovarajućih znanja učenika iz oblasti zaštite na radu, u obimu koji odgovara

- potrebi struke i obrazovnog profila za koje se vrši obrazovanje putem nastavnog plana i programa,
- o) obezbjeđenje zaštite na radu učenika koji pohađaju praktičnu nastavu/laboratorijski rad u školi (radionicama, laboratorijama i sl.) u skladu sa važećim propisima o zaštiti na radu,
- p) vođenje dnevnika rada praktične nastave/laboratorijskog rada koja se izvodi kod poslovnog subjekta,
- r) organizacija ljekarskog i sanitarnog pregleda učenika ako je to predviđeno Ugovorom,
- s) druga ovlaštenja i obaveze predviđene Zakonom ili relevantnim podzakonskim aktima.

Član 12.

(Prava i obaveze učenika)

U pogledu izvođenja praktične nastave učenik ima sljedeća prava i obaveze:

- a) redovno pohađanje praktične nastave/laboratorijskog rada, te savjesno i odgovorno ispunjavanje radnih aktivnosti koje su mu dodijeljene,
- b) postupanje u skladu sa uputama i nalogima nastavnika, koordinatora, mentora ili drugih lica ovlaštenih za davanje uputa i naloga, ukoliko je učenik upoznat s tim da su ta lica ovlaštena za davanje uputa i naloga,
- c) ponašanje u skladu sa propisima o zaštiti i sigurnosti na radu i zdravstvenoj zaštiti, sigurnosti od požara, sanitarno-tehničkim i higijenskim zahtjevima,
- d) savjesno rukovanje alatom, mašinama i ostalom opremom i korištenje alata, mašina i ostale opreme samo u vezi sa povjerenim mu zadacima,
- e) čuvanje imovine za vrijeme obavljanja praktične nastave,
- f) obavljanje ljekarskog i sanitarnog pregleda ako je to predviđeno Ugovorom o saradnji,
- g) druga prava i obaveze u skladu sa Zakonom i relevantnim podzakonskim aktima.

**IV. IZVOĐENJE PRAKTIČNE
NASTAVE/LABORATORIJSKOG RADA**

Član 13.

- (Trajanje i fond časova praktične nastave/laboratorijskog rada)
- (1) Nastavni čas opšteobrazovne, stručnoteoretske i praktične nastave u školi traje 45 minuta, a nastavni čas praktične nastave/laboratorijskog rada kod poslovnog subjekta traje 60 minuta.
 - (2) Škola je dužna osigurati da ukupno opterećenje učenika nastavom i ostalim vidovima neposrednog odgojno-obrazovnog rada ne može iznositi više od 35 časova sedmično, s tim što u toku dana učenik ne može imati više od sedam časova praktične nastave u školi, odnosno maksimalno šest sati dnevno kod poslovnog subjekta, odnosno 360 minuta.
 - (3) Ako praktična nastava/laboratorijski rad kod poslovnog subjekta kontinuirano traje četiri ili više sati dnevno, učenicima se mora osigurati najmanje 30 minuta dnevnog odmora.

Član 14.

(Mjere zaštite na radu)

- (1) Maloljetni učenik ne može obavljati praktičnu nastavu/laboratorijski rad na naročito teškim fizičkim poslovima, radovima pod zemljom ili pod vodom, ni na ostalim poslovima koji bi mogli štetno i sa povećanim rizikom da utiču na njegov život i zdravlje, razvoj i moral,

- s obzirom na njegove psihofizičke karakteristike u skladu sa važećim zakonskim i podzakonskim propisima.
- (2) Punoljetan učenik može obavljati praktičnu nastavu/laboratorijski rad na poslovima određenih radnih mjesta sa posebnim uslovima rada uz provođenje specifičnih mjera zaštite na radu i uz podvrgavanje propisanim ljekarskim pregledima u skladu sa propisima iz oblasti zaštite na radu.
 - (3) Prije početka izvođenja praktične nastave/laboratorijskog rada učenici moraju usvojiti sadržaje iz osnova zaštite na radu propisane nastavnim planom i programom, odnosno internim aktima poslovnog subjekta u slučajevima kada se praktična nastava ili njen dio izvodi kod poslovnog subjekta.
 - (4) Kod izvođenja svake pojedinačne aktivnosti tokom izvođenja praktične nastave/laboratorijskog rada, učenik mora biti upoznat s izvorima opasnosti, usvajati postupke rada na siguran način i primijeniti zaštitna sredstva u skladu sa važećim propisima kojima se uređuje sigurnost i zaštita na radu.

Član 15.

(Nadzor nad izvođenjem praktične nastave/laboratorijskog rada)

Praktična nastava/laboratorijski rad se obavlja isključivo pod nadzorom nastavnika u školi, odnosno u saradnji koordinatora i mentora kod poslovnog subjekta.

V. USLOVI IZVOĐENJA PRAKTIČNE NASTAVE/LABORATORIJSKOG RADA KOD POSLOVNOG SUBJEKTA

Član 16.

(Uslovi za izvođenje praktične nastave)

Praktična nastava se može izvoditi kod poslovnog subjekta ukoliko poslovni subjekat ispunjava sljedeće uslove:

- a) ako obavlja djelatnost koja omogućava prenošenje na učenike znanja i stručnih kompetencija čije sticanje je predviđeno programskim sadržajem propisanim nastavnim planom i programom i planom izvođenja praktične nastave,
- b) ako raspolaže prostorom, opremom i odgovarajućim sredstvima za obrazovanje određenog obrazovnog profila u skladu sa nastavnim planom i programom,
- c) ako za potrebe izvođenja praktične nastave odredi mentora,
- d) ako obezbjeđuje mjere zaštite na radu u skladu sa propisima koji regulišu oblast zaštite na radu.

VI. UGOVORNO REGULISANJE PRAKTIČNE NASTAVE/LABORATORIJSKOG RADA KOD POSLOVNOG SUBJEKTA

Član 17.

(Vrsta ugovora)

Pri obavljanju praktične nastave/laboratorijskog rada kod poslovnog subjekta, zaključuje se Ugovor o izvođenju praktične nastave/laboratorijskog rada koji potpisuju škola, poslovni subjekt i učenik/zakonski zastupnik.

Član 18.

(Sadržaj Ugovora o izvođenju praktične nastave/laboratorijskog rada)

- (1) Ugovor o izvođenju praktične nastave/laboratorijskog rada sadrži sljedeće:
 - a) podatke o ugovornim stranama (škola, poslovni subjekt i učenik/zakonski zastupnik),
 - b) podatke o mentoru i koordinatoru,
 - c) obrazovni profil koji je predmet ugovora,

- d) obaveze poslovnog subjekta u realizaciji praktične nastave/laboratorijskog rada,
 - e) obaveze škole u realizaciji praktične nastave kod poslovnog subjekta,
 - f) obaveze učenika,
 - g) plan izvođenja praktične nastave,
 - h) početak i trajanje izvođenja praktične nastave,
 - i) mjesto i vrijeme izvođenja praktične nastave,
 - j) period trajanja ugovora,
 - k) razloge za prestanak važenja i za raskid ugovora,
 - l) način rješavanja eventualnih sporova,
 - m) datum i potpis ugovornih strana,
 - n) druga međusobna prava i obaveze škole i poslovnog subjekta.
- (2) Škola može zaključiti ugovor sa jednim ili više poslovnih subjekata, a za svakog učenika posebno.
 - (3) Evidenciju zaključenih ugovora o saradnji vodi škola.

Član 19.

(Raskid Ugovora o izvođenju praktične nastave/laboratorijskog rada)

- (1) Ugovor se može raskinuti sporazumom ugovornih strana (na zahtjev učenika, škole ili poslovnog subjekta).
- (2) Škola ima pravo raskida Ugovora u sljedećim slučajevima:
 - a) ukoliko poslovni subjekat ne ispunjava ili zakasni sa ispunjenjem ugovornih obaveza,
 - b) ukoliko učenik ne ispunjava ili zakasni sa ispunjenjem ugovornih obaveza,
 - c) ukoliko poslovni subjekat prestane da ispunjava uslove za izvođenje praktične nastave/laboratorijskog rada,
 - d) ukoliko nad poslovnim subjektom bude pokrenut postupak stečaja ili likvidacije, odnosno odgovarajući postupak koji za cilj ima prestanak postojanja poslovnog subjekta,
 - e) ukoliko poslije zaključenja ugovora o saradnji nastupe okolnosti koje otežavaju ispunjenje obaveze jedne strane, ili ako se zbog njih ne može ostvariti svrha ugovora, a u jednom i u drugom slučaju u toj mjeri da je očigledno da ugovor o saradnji više ne odgovara očekivanjima ugovornih strana i da bi, po opštem mišljenju, bilo nepravilno održati ga na snazi (promijenjene okolnosti),
 - f) u drugim slučajevima predviđenim propisima koji regulišu oblast obligacionih odnosa.
- (3) Ugovor se smatra raskinutim ukoliko poslovni subjekat ne omogući učenicima izvođenje praktične nastave, odnosno dijela praktične nastave u ugovorenom roku.
- (4) Poslovni subjekat ima pravo raskida ugovora u sljedećim slučajevima:
 - a) ukoliko škola ne ispunjava ili zakasni sa ispunjenjem ugovornih obaveza,
 - b) ukoliko učenik ne ispunjava ili zakasni sa ispunjenjem ugovornih obaveza,
 - c) ukoliko poslije zaključenja ugovora o saradnji nastupe okolnosti koje otežavaju ispunjenje obaveze jedne strane, ili ako se zbog njih ne može ostvariti svrha ugovora, a u jednom i u drugom slučaju u toj mjeri da je očigledno da ugovor o saradnji više ne odgovara očekivanjima ugovornih strana i da bi, po opštem mišljenju, bilo nepravilno održati ga na snazi (promijenjene okolnosti),
 - d) u drugim slučajevima koji regulišu oblast obligacionih odnosa.

- (5) Učenik ima pravo raskida Ugovora u sljedećim slučajevima:
- a) ukoliko poslovni subjekat ne ispunjava ili zakasni sa ispunjenjem ugovornih obaveza,
 - b) ukoliko poslovni subjekat prestane da ispunjava uslove za izvođenje praktične nastave/laboratorijskog rada,
 - c) ukoliko nad poslovnim subjektom bude pokrenut postupak stečaja ili likvidacije, odnosno odgovarajući postupak koji za cilj ima prestanak postojanja poslovnog subjekta.

VII. OCJENJIVANJE, ZAVRŠNI ISPIT I MATURA

Član 20.

(Ocjenjivanje učenika)

- (1) Napredovanje učenika opšteobrazovnog, stručnoteoretskog i praktičnog programskog sadržaja koji se odvija u školi kontinuirano prati škola, odnosno predmetni nastavnik.
- (2) Napredovanje učenika tokom izvođenja praktične nastave/laboratorijskog rada kod poslovnih subjekata kontinuirano prati mentor u saradnji sa koordinatorom.
- (3) Procedura i način ocjenjivanja učenika se vrši u skladu sa nastavnim planom i programom određenog obrazovnog profila, Zakonom i Pravilnikom o praćenju, ocjenjivanju i vrednovanju učenika osnovnih i srednjih škola u Kantonu Sarajevo ("Službene novine Kantona Sarajevo", broj 24/18).

Član 21.

(Završni ispit i matura)

Na uslove, sadržaj, način organizacije i druga pitanja u vezi sa polaganjem završnog ispita i mature primjenjuju se Zakon i važeći podzakonski propisi koji regulišu ovu oblast.

VIII. PRELAZNE I ZAVRŠNE ODREDBE

Član 22.

(Prelazne odredbe)

Škola je dužna svoja opća akta uskladiti sa ovim pravilnikom u roku od 60 dana od dana stupanja na snagu ovog pravilnika.

Član 23.

(Nadzor)

- (1) Nadzor nad provođenjem ovog pravilnika vrši Ministarstvo.
- (2) Inspekcijski nadzor nad provođenjem ovog pravilnika vrši Kantonalna uprava za inspekcijske poslove.

Član 24.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Kantona Sarajevo", a primjenjivaće se od školske 2020/2021. godine.

Broj 11/04-38-37108-6/19

26. decembra 2019. godine

Sarajevo

Ministrica

Mr. Zineta Bogunić, s. r.

Ugovor o izvođenju praktične nastave/laboratorijskog rada

1. Ugovorne strane

Škola _____

Poslovni subjekt _____

Učenik/zakonski zastupnik _____

2. Obrazovni profil _____

3. Godina školovanja _____

4. Koordinator _____

5. Mentor _____

6. Mjesto i vrijeme izvođenja praktične nastave/laboratorijskog rada _____

7. Početak i trajanje obavljanja nastave _____

8. Trajanje ugovora _____

9. Obaveze ugovornih strana (Preuzeti iz Pravilnika) _____

10. Razlog raskida ugovora: _____

Datum: _____

Potpis ugovornih strana:

Škola (ovlašeno lice): _____

Poslovni subjekt (ovlašteno lice): _____

Učenik (zakonski zastupnik): _____